



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Basilicae S. Mariae. Maioris De. Vrbe A. Liberio. Papa. I.
Vsque Ad. Pavlvn. V. Pont. Max Descriptio. Et. Delineatio**

Angelis, Paolo de

Roma, 1621

Cap. II. De solo, & pauimento cum alijs nonnullis in genere.

urn:nbn:de:hbz:466:1-13873

DE SOLO, ET
PAVIMENTO.*Cum alijs nonnullis in genere.*

Caput II.



VT autem à fundamentis exordiamur, licet affirmare tale Sacellum, mundi durationem æquaturum, nè dicam æternitatem, siue fundamentorum profunditatem excellenti materia repletorum, siue situm respicias profunda platea excavatum, in qua hæc fabrica se attollere incepit, quæ mundi miraculum videtur. Præterquam quod eodem tempore parte externa marmora locabantur Tiburtina cum foccis, basibus, parastadis, capitulis, cymatijs, zophoris, coronidis, clathris, &c. velut libro quinto indicauimus, & ex delineatione de-

Aprehenditur. Modo ad interna redeamus, illa vniuersa attingentes. Antequam verò vterius pergatur, pauimentum occurrit summa cura in distributionibus imitatum. Tholi altitudo suis cum testudinibus; pars media Pauli Quinti insignia gestans diuersorum colorum lapidibus distincta, tantaque arte insertis, vt picturæ opus omninò exprimat, cum testudinis spatijs, varijs marmorum orientalium coloribus, vt alabastris orientalibus, lycurijs, caloritis orientalibus, & cæteris quamplurimis lapidibus vnà nigris, croceis, & rubeis, fascis alligatis, prout res ipsa, & lapidum conditio, eximia diligentia ornatorum poscebat, & qui aspicientium oculos perbellè oblectant. Adfunt etiam binæ ædiculæ, pauimento insigni, cancellis, atque sacris ferculis; nec non maior Ara cernitur, nobile sacelli Sacrarium, murorum crassities, & ante ingressum, pauimentum, fornix supereminens, ornamentis satisfaciens, velut ex delineatione deprehenditur.

